

吳縣陸澹盦撰著
蛟川倪高風校訂

啼笑因緣彈詞續集

李洪慈書



冊 上

蓮花出版館出版

二十五年五月

啼笑因緣彈詞續集

澹盦





陸澹齋先生與倪高風先生

劉將軍



彈詞名家
朱耀祥飾



尚師長

姚民哀先生序

民國肇建之初。吳江柳亞子主民聲報（長沙寧調元所辦）筆政時。於上天下地欄內。揄揚馮春航之藝術。同時樊樊山、易實甫輩。則稱道賈碧雲色藝出馮上。亞子爲文斥之。遂釀成所謂「馮賈黨爭」。實則樊、易等自命清代遺老。亞子固純粹民黨。彼此借澆磊塊。藉以發揮胸臆間之經濟。不啻近代所謂勞資糾紛然。當時黨賈者。固大有人。而黨馮者。尤多學行兼優之士。不才如余。亦曾爲馮黨小卒。盡力吶喊者。吳門陸君澹盦。則與武林三丁、一厂、越流、微廬等衆。皆屬黨中健將。名震一時。此爲余知澹盦姓氏之始。

大世界開幕之初。海上同文所組之萍社文虎社。附設二樓大世界報編輯部內。一夕。余因事往招徐枕亞。由亡友劉山農之介紹。得識孫玉聲、姚勁秋等諸前輩。

最後有一慘綠少年來。枕亞指以告余曰。此卽陸澹盦君也。於是握手訂交。互道欽企之忱。是爲余識澹盦面目之始。

迨後施濟羣辦新聲。獨鶴濟羣編紅玫瑰。余與澹盦皆屬撰述之列。故雖不常謀面。而文字切磋。日益親密。其間爲批評某伶藝術。意見相左。澹盦囑濟羣傳語告誠。如曩昔爲褒貶春航。亞子之詬責楚儵然。此蓋吾輩積習難除。假文相譴。匪知者不足與語斯也。

丙寅秋深。余因病離滬。舊時朋好。泰半睽閔。澹盦固不知余萍蹤奚託。而余之仰慕澹盦道義之私衷。則無時或釋。辛未春初。至滬粥技。澹盦甫自滇南歸來。無夕不至東方聽書消遣。爾時余癩癰病劇。自維不久於人世。性本疏狂。因是益脫略禮節。懶於酬酢。不知者或恐嗤余驕妄。然相知友好。都諒余因生活掙扎。扶病爲此。故不以世俗虛文浮節相繩責。澹盦其一人也。是年秋仲。外症獲痊。痰火內壅。

加以慕受東省淪陷之刺激。竟成瘋疾。歸後自殺者屢。幸母弟維護備至。得獲不死。當得病在滬時。說書同業。咸來慰問。朱君耀祥。尤極力推解。舍弟民愚。深感念之。會耀祥有志于創作新書。民愚乃爲編啼笑因緣彈詞一回。贈其嘗試。居然得邀多數歡迎。然是尙爲吾弟處女作。章成急就。諸多艸率。余又因病未能爲之刪潤。但責其胆大而已。民愚編僅一二節。卽知難攔筆。寧貽「謀而不忠」之誚。幸趙稼秋與澹盦有前約。澹盦乃玉成其事。并將吾弟原唱。點鐵成金。遂得風行一時。家絃戶誦。具見澹盦之心思才力也。

溯自革命政府成立以來。對於宣傳政策。固設有職部。專司工作。邇來教育當局。自實行「埋頭苦幹」以來。對於社會教育。尤極注意。說書雖小道。然業是之人。苟能自明立場。關心時局。發言得體。於社會方面。息息相關。固已爲人所默認。而其宣傳力量。無形中亦卓卓可持。與文字圖畫相表裏。遠勝揭糞於牆壁間之無

原书缺页

十年來之交誼過程。不覺文辭蕪雜。言之聒絮也。

中華民國廿四年九月六日常熟姚民哀謹序于芝蘭庵

啼笑因緣彈詞續集

姚民哀先生序

施濟羣先生序

二十年前。余與澹盦從萍社諸君子張燈射虎。無間風雨。興闌社散。輒相偕往聽謝品泉三笑一折。王效松水滸一回。然後歸。澹盦能文章。間亦從事小說家言。顧獨鄙夷彈詞。不屑爲。五六年前。張恨水君著啼笑因緣說部。排日刊新聞報快活林。澹盦喜其情節之佳。佈局之工。每稱爲近世不可多得之佳作。及此書刊行。果傾銷數十萬冊。時無線電播音已盛行。朱、趙二藝人苦舊脚本之陳陳相因。思得新構。別樹一幟。懷之而未發也。一夕。余與諸友聚於陶社。亡友李耀亮以此爲言。澹盦在座。笑謂啼笑因緣可彈唱也。余大韙之。趣其改編。翌日耀亮介趙稼秋謁澹盦。堅以爲請。云欲與朱耀祥合唱。余知朱、趙藝術甚稔。必可勝任愉快。乃慫慂澹盦爲撰脚本畀之。已而朱、趙竟以彈唱啼笑因緣名重一時。於是老友倪君高

風。復商得澹盦同意。以其脚本。付之鉛槧。前後兩集。凡九十二折。都六十萬言。真彈詞界鉅著也。書既殺青。屬余爲序。余乃喟然謂澹盦曰。子曩嘗欲以莊言正論。糾末俗。正人心。鄙夷彈詞不屑爲。庸詎知莊言正論之效。反不如彈詞之易入人心。數百年後。子之文章未必傳。而啼笑因緣彈詞則必傳矣。子以爲何如。澹盦粲然。因書以爲序。

民國二十五年閏三月施濟羣序於花好月圓人壽之室

倪高風先生序

余經營無線電事業有年。播音節目之優劣。與其聽衆之多寡。效力之強弱。均所詳悉。以游藝論。彈詞之受人歡迎。無有逾於老友澹盦所編之啼笑因緣者。前以多數聽衆。咸欲一覩此書之腳本。乃與友人汪仲年、戴桐秋、二君合組三一公司向澹盦讓得此書之著作權。刊印行世。前集出版。行銷甚廣。無線電聽衆。殆靡不人手一編。歎爲佳構。徒以成本過鉅。售價太廉。銷數雖多。絕無餘潤。余等心所愛好。志不在利。但求此書能流傳。購者能滿意。是亦足矣。爰復商之澹盦。更編續集。歷時半年。始克竣事。而汪、戴二君。適以業務煩冗。不遑兼顧。將此書印行之權。情讓於余。所經營之蓮花出版館。余一本素志。未敢買利。此次續集出版。仍取廉價。以期普及。區區之心。當蒙讀者共喻。續集宣傳愛國。勸人禦侮。喚起民衆。綽有效

力。與尋常事。敍兒女子私情之彈詞小說。判然有間。語云。娛樂不忘救國。惟此一書。當之無愧。中國能復興乎。余將以此書之銷數。覘之。

民國二十五年五九國恥紀念日。蛟川高風倪皋封序於滬東蓮花館鏡下。

自序

始余序啼笑因緣彈詞前集。謂小說彈詞。任意計所之。我欲何如。斯何如之。比及昨歲。更制續集。時異竟遷。廼有大繆不然者。是誠可悲也。恨水說部。續於九一八后。間涉東北禦侮事。余爲彈詞。蘄以是激厲人心。每及抗敵。益暢所欲言。書成彊半。而新生事作。杜重遠入獄。一時書報涉抗敵者。胥被嚴禁。朋儕愛余。色然相告。戒余無爲杜重遠續。余誠頑梗。不自措意。而佗人終爲余惴惴。趣余修葺。以是今所刊者。凡及敵人。悉爲更易。國未亡。言之不易若是。一日真爲朝鮮續。又且奚若。此余所以擲筆長喟。不自知涕淚之何從也。茲續集兩卷。業經刪削。非復本意。且以心所未甘。深用懊恨。遲至今日。始得卒事。持校前集。愈益舛疏。然大旨旣倍。心已成灰。文辭細事。何暇計及。今而后。猶知雖小說彈詞。亦有未能盡如我志者。佗

復奚言。是誠可悲也。

民國二十五年五月吳縣陸澹齋自序

電話 九七 一七 〇號
送菜 保險 暖箱 最合衛生
出門 送菜 保險 不冷 最合衛生

上海西摩路福照路转角